

Tèsàlònikà
 ǒ Kànìsà tò Pòlò andí wemberè tí bhàruwà
Yàrí bhàruwà ò ì nòtù ádròdrǒ dhu tí dhu

Yàrí ní wemberè tí Pòlò andí Tèsàlònikà tó kigò ǒ pbàkrístò tò bhàruwà. Kǎndí ka mbèmbè imbò kumì dòná atdí nà ato ǔdà Yèsù ka kúgù dhu-dzidǒ rórò. Obhó tí, Pòlò mà, Sílà nà náawù ùvò ndí kigò ò, Pòlò ràdù Yèsù Krístò bhà Ídzì Mǎkǔrù núnò abádhí tò (Kas 17.1-10). Tèsàlònikà tó kigò ǒ kànìsà ǒ, ìnzǐ ní Pbàyàhúdí níí'ì abho nyú, pbétù Pbàyàhúdí nyú ràdù ì'ì ngúfe. Ngúfe idho dzidǒ, Pbàyàhúdí nzínzì ǒ atdídhéná ale náadù dhu ỳya ìndrǔ tò, ìnzǐ Pòlò mà, Sílà nà rǔnǒna dhu níri tí.

ǒyǒ ato dzidǒ, Pòlò avì Tímòtewù rǎrà Tèsàlònikà arí Yèsù ná'ù ale arí òko tí dhu andà. Ní ányì Tímòtewù àrà àhù, ndàdù ndàdu rò, kítsi àtìnà Pòlò nǐ ìnè abádhí rǎrǐ'ì fíyó a'uta nódò ì arí ró. Kǎti átò abádhí nzínzì ǒ atdídhéná ale tó ìrèta nínza dhu rǎrǐ abáya mà, ayíya mà, ndírò ǒdhiya mànà nǔve ìnzá Yèsù àpè ìngo rórò dhu. Ní abádhí rǎrǒwu dhu òngù rǒ tsùyá kǒkò ỳvǔve ale ralaya tí tdǔ Yèsù-ngbò. Ndi dhu-okú dò rò ní ndi, Pòlò náandí bhàruwà abádhí tò, ndí'ì abádhí-afí otsi tí ǒbi nǐ, abádhí uní tí Yèsù Krístò rǐngo dhu ní'íya tí dhu, ndírò ndí ná'ù ale kǒnziya tí dhu. Ndi dhu bhěyi ní ndi, abádhí rǐ dhu à'ù ìnè ì rǐ'íya atdíkpá ndi Ádrùngbǎle mànà dhòdhóhonganà.

Bhàruwà-nyè'ì ka kóhù tí dhu

- Pòlò mà rǐ Tèsàlònikà ǒ Kànìsà nóvì dhu mà abádhí rǐ ǒtsò àbhǔ Kàgàwà tò abádhí-okú dò rò dhu mànà dhu (1.1-10).

- Pòlò mà anzì kasu tí Tè̀sàlònikà ǒ kànìsà ǒ dhu (2.1-16).
- Pòlò rǐ Tè̀sàlònikà ǒ bhà nózè ndàla dhu mà kǎvi Tìmòtewu ràrà abádhí-afí òpè dhu mànà dhu (2.17-3.13).
- Pòlò rǐ Yèsù ná'ù alɛ ònzi ròkò Kàgàwà-nyìkpó nòfò dhu bhěyì dhu (4.1-12).
- Yèsù ì a'ù rórò uvè alɛ nùungbeya ì dhu (4.13-18).
- Ádrùngbǎlɛ Yèsù ná'ù alɛ àkǎ 'òkò tí kà rìngo ònà idho ǒdò ì í ònanǎ dhu (5.1-22).
- Pòlò rǐ pbàkrístò òvì dhu (5.23-28).

Pòlò mà rǐ Tè̀sàlònikà ǒ Kànìsà nóvì dhu

¹ Ima Pòlò, Sùlìvanù, Tìmòtewu mànà, mà màndì yàrì bhàruwà fùkù, Tè̀sàlònikà tó kígò ǒ kànìsà tírò. Nyǐ ní Àba Kàgàwà bhà alɛ, ndirò nyǐ ní Ádrùngbǎlɛ Yèsù Krístò bhà alɛ. Ní, Kàgàwà àkǎ ndàso nyǐ, ndàdù nyǎbhu nyòkò màrùngà ǒ.

² Mǎ mǎrí òtsò nábhu bilínganà Kàgàwà tò okúku dò rò, màdù àmbɛ nyǐrè dǒ fàkǎ itsòta ǒ. ³ Ndirò, mǐtsò mà mí àlɛ t'Ábanà Kàgàwà-ònzǐ rò, mà mǎròngo ìrènà ìnzǐ mà múbhana rórò dhu ní, fùkù a'uta-kàsù mà, fùkù àzè arí nyǎbhu nyònzì kasu tí dhu mà, ndirò ní, nyǐ nyá'ù dhu òbì nyú nà ìngo àlɛ tó Ádrùngbǎlɛ Yèsù Krístò ringoya dhu. ⁴ Adódù, yà atdídò ma móze nyǐ rò, mà mùni dhu Kàgàwà rózè wà nyǐ, ndirò kà ròvò wà nyǐ, nyǐ ì pbìndà alɛ tí. ⁵ Obhó tí, yà fùkù mà móvò fàkǎ Ídzi Màkùrù ní mà móvò nzá ɔtɛ ǒ tí. Pbétù, mà móvò ka ìlǐlǎ-Alafí bhà ádrùngbǎnga tó òbì mà, kàbhà mùdzùnà mànà nǐ, màdù dhu à'ù wò mà móvò fùkù dhu rǎrǐ obhó dhu nyú. Ndirò, nyǐ nyùnì wà ìngbà dhu bhěyì màtí nzínzìku ǒ mà mókò dhu nábhu ìdzinga

fùkù dhu. ⁶Ndi dhu bhèyi ní ndi, fùkù okota nófò ndi fàkà okota nà, ndàdù ndòfò Ádrùngbàlè Yèsù bhà adita nà. Ndirò, ábhò àpè nyú ò rò, nyí nyádù Kàgàwà bhà òtè náko, ìlìl-Àlafí nírá nyí nǐ dhèdhe nyú nà. ⁷Ndi dhu bhèyi ní ndi, yà nyí nyónzina dhu nádi wà ídzi ófò tí Mákèdòniyà mà Àkayà mànà tó pbìrì ò Yèsù ná'ù alè tò. ⁸Obhó tí, fùrábvù rò nga ní ndi, Ádrùngbàlè Yèsù dǒ róte ídzi Mákùrù nùndò ndi nǐ. Kùndò nzá ndi Mákèdòniyà mà Àkayà mànà ò tí, pbétù, nyí nyá'ù Kàgàwà tí dhu-òyí náká ábhò ngari nyú ò. Ní, wò dhu dǒ mà múnona tdítǒ dhu rǐ'ì mbá. ⁹Ndirò, ìndrù rǒwu àwenà rǒ dhu ní, fùrábvù mà mówù ùvò tí dhu. Ndirò, abádhí rǒwu àwenà rǒ dhu ní, nyí nyúgèrè nyí nyá'ù Kàgàwà, nyádù sànamù núbhà dhu. Ndi dhu bhèyi ní ndi, nyí nyá'í ípìrǒnga mà obhóna mànà tó Kàgàwà-kàsù nónzi. ¹⁰Ndirò, nyí nyá'í Kàgàwà t'ídhùnà, Yèsù rǐngò òrù-akpà ò rò dhu nódo. Ndi Yèsù ní ndi Kàgàwà ábhù rǐngbè ndi íbhù ò rò, ndínǐ àlè nùwù tí yà rǐrà ìndrù-ànyá t'ítàtá tó pbìndà nàwí ò rò.

2

Polò rǐ Kàgàwà bhà ídzi Mákùrù nùno Tèsàlònìkà ò dhu

¹ Adódù, nyí nyú mà nyí nyùnì wà dhu ìnzá mà rówù ùvò kòkórò fùrábvù. ² Nyí nyùnì wà dhu átò, tdù mà mowu ùvò fùrábvù rò, mà rábà àpè, kadù dhu ùndò mà nǐ Filipì tó kígo ò. Pbetù, ábhò àpè nzínzi ò rò tí, Kàgàwà ábhù afíka ròtsì òbì, mǔndò pbìndà ídzi Mákùrù fùkù. ³ Obhó tí, yà fùkù mà múyá dhu ní'ì nǐ afátá, ka ní'ì nǐ nǐrè ìrèta mà, ndirò ka ní'ì nǐ utrátá mà. ⁴ Pbetù, Kàgàwà ózù ndi mà iwà mà màká mǔndò pbìndà ídzi Mákùrù ìndrù tò alè tí. Ní mà mí nǐ àdù kùndò

ìndrù-nyìkpó nǒfó tí, pbétù mà mádù kùndò Kàgàwà-nyìkpó nǒfó tí. Ka ní ndi aɛ-afí-tsi dhu mà núnǎ arí aɛ. ⁵ Obhó tí, nyǎ nyùnǎ wà dhu ìnzá mà rúhà ìndrù akèkpá màtí òtǎka ǒ. Ndirò òtǎka ǒ, mà mónè nzá ìndrù-fó mà mí dhu òngyè dhu. Kàgàwà nyú ndítírò ní ndi yà mà múnona dhu tó ngàmbì. ⁶ Ndirò mà manè nzá ìndrù rǐ mǐfú dhu, ìmbà rǐ nyǎ nyú màtí, ìmbà rǐ ngǔkpà aɛ màtí. Mà mí'iyana ìnè mà'ε mà òkú àzèmbè Krístò bhà uvitatáɛ nyú ní mà rò. ⁷ Pbétù mà mádù òko nzínzìkù ǒ yorowà nyú nà. Àdhàdhì ndì ndaróngùna inzo nózè ìngba-tsánà bhèyi, ⁸ mà mózè nyǎ atdíǒ. Ní, mà mazè nzá múndò Kàgàwà bhà Ídzi Màkǔrù kèlǎ fǔkù, pbétù atdyúka nadù ì'ì átò màdzi fàkà ípìrǒnga nyú okúku dò rò, fàkà àzè nírǒ ndì abho nyú fǔkù nídhunǐ. ⁹ Adódù, nyǎ nyǐrè wà mà mónzì kasu tí dhu mà, yà mà mábà àpbe mànà. Mà mowù Kàgàwà bhà Ídzi Màkǔrù núnò rǒ fǔkù àzèmbè mà mí kasu ònzi adyíbhengá, ndirò kúbhingá màtí rórò, akyε mà mowuna ì'ì àndò tí nzínzìkù ǒ atdí aɛ dǒ màtí nǐ.

¹⁰ Nyǎ, Yèsù ná'ù aɛ tírò, mà mókò nzínzìkù ǒ ìlǐlǎ ófò ǒ, àkǎkǎ ófò ǒ ndirò ìmbà nzéɛ dhu tí ka kózùna dhu rǐ'ì ònà ófò ǒ. Nyǎ ní ndi dhu tó ngàmbì, ndirò Kàgàwà ní átò ndi dhu tó ngàmbì. ¹¹ Nyǎ nyùnǎ wà dhu átò mà rókò kóró nzínzìkù ǒ aɛ mànà àdhàdhì inzo t'ábanà mà náaróko pbì inzo mànà dhu bhèyi. ¹² Mà mowù dhu ùyǎ rǒ fǔkù, màdù òwu afíku òpè rǒ. Ndirò, mà mowù nyǒnzì rǒ ɔbi nyú nà, ndínǎ nyǎ nyubhì tí Kàgàwà ózè dhu bhèyi. Ndi Kàgàwà ní ndi nyǎ núnzì ndínǎ nyǎ nyotsú tí pbìndà ádrùngbǎnga tó idzi ò, nyǎdù pbìndà ádrùngbǎnga tó awáwù nála.

¹³ Ndirò, yàrí ní ndi yà ìnzǎ mà mí mǎngyè rórò mà márí òtsò nábhǔ nǐ Kàgàwà tò okúna dò rò dhu: Nyǎ

nyírì yà fùkù mǎ múnò Kàgàwà bhà Ídzì Mákǔrù. Ní, nyǐ nyǎdù kàkò ìnzǐ ní ìndrù-lí'ò rò àhù ɔte bhěyi, pbétù nyǐ nyákò ka Kàgàwà-lí'ò rò àhù ɔte bhěyi. Ní, ndì ɔte ní Kàgàwà bhà ɔte. Ndi ɔte ní ndi nyukutsì rí kasu ònzì nyǐ Yèsù ná'ù ale tírò. ¹⁴ Adódù, ndi dhu nìtè dhu ní, yà Yùdeyà tó pbìrì ǒ, Kàgàwà bhà kànìsà ǒ Yèsù Krístò ná'ù ale rò ndi nanzì dhu, nónzì wà ndi átò rùkú dhu. Nyǐ nyábà àpbè fùkú pbìrì ǒ bhà nyú fò, àdhàdhì abádhí náabà àpbè ìnzá Yèsù ná'ù Pbàyàhúdí-fò dhu bhěyi tí. ¹⁵ † Pbàyàhúdí ní ndi Ádrùngbǎle Yèsù nabhù kohò, ì ràdù pbànábí nábhu kòkyè. Abádhí ní ndi ròkà ávu. Abádhí rǒnzina dhu arí nzǐ Kàgàwà-nyìpkò nófò, ndirò abádhí nóngò kórò ale tó òmvù tí. ¹⁶ Abádhí arí tsùka àpà 'ètò ìnzǐ mǎ mɔvɔ tí ògù tó ɔte ìnzǐ ní pbàyàhúdí tó, akye abádhí adùna ùgu nǐ. Ndi dhu bhěyi ní ndi, abádhí nísè yà angyangyi ì arónzina fìyó nzÉrEnga-bvu. Pbétù, Kàgàwà bhà nàwí rǐsǐ ìsǐ abádhí dǒ.

Pòlò rǐ Tèsàlònìkà ǒ bhà nózè ndàla dhu

¹⁷ Adódù, ka kùtu mǎ mǔbhǎ mǎ nyǐ mànà ale-ngbò ò rò ídǒ kàsùmì kèlě tí. Pbétù ale-afí ònǎ rò, àlě kí'ì ìnè atdíkpá. Atdyúka nyú ní'ì àlě rala àlě nyǐ mànà. Ní mǎ mónzì kórò ɔbi ndínǐ ndi dhu náaká tí fàkà. ¹⁸ Ndi dhu ìtè rí dhu ní, mǎ mómvu mǎ mǒwù fùrǎbvù. Ndirò ìma nyú Pòlò, ma mómvu wà dhu ibí-gùna nyú, ndínǐ ma mara tí fùrǎbvù. Ní, pǒmvo Sitanì ádù ndi otu nútò ròkà. ¹⁹ Nírò, ádhi mà nyú ndi fàkà a'uta rǐ'ì dòyá? Ádhi mà nyú ndi idhèka rǐ ndika okúya dò rò? Ndirò, fàkà mùlè mà tó mùkimbà ní àdhi mà? Ní'iya tí obhó nyǐ ndi, yà àlě tó Ádrùngbǎle Yèsù ríngò nínganí? ²⁰ Obhó nyú, okúkù dò rò nga ní ndi mǎ mǎrǐ mìlè, idhèka ràdù ndika nǐ.

3

Polò rǐ Tìmòtewù òvì ràrà Tèsàlònìkà ǒ bhà-afí nópè dhu

¹ Ádzí mǎ mí ìnga òdò dhu níngyě mǎ rò, mǎ mála dhu mǎ rǎkǎ mǒkò víka dǒ rò Àtènè tó kígò ò. ² Ní, mǎ mádu adòkà Tìmòtewù nóvì ràrà fǔrábyù. Àbadhi ní ndì Kàgàwà bhà ìno, yà atdíkpá mǎ mǎrí Krístò dǒ rǒtε Ídzi Màkǔrù núnò mànà ìndrù tò aε. Ní mǎ móvì ka fǔrábvù, ndínì afíkù nabhù tí ròtsì òbì ndàdù nyìdì fùkú a'uta ǒ, ³ ndirò, ìnzǐ yà kòmbí nyǐ nyábàna àpbè adù tí atdí aε mà nábhu rùbhà pòndà a'uta. Obhó tí, nyǐ nyùnì wà dhu, àlě rǎrǐ ndì àpbè-tidò nábà àbà. ⁴ Ndirò, fǔrábvù mǎ mí'ì òná kàsúmì ǒ, mǎ móvò wà dhu fùkù mǎti: àlě rǎrǐ àpbè nábà. Ní, nyǐ nyùnì wà dhu ì dhu rǎrǐ kǒkò rí 'ònzì. ⁵ Wò dhu-okú dò rò ní ndì, ìma nyú mà átò ma mítdègu míngyě ìnga t'ódòta nǐ, ní ma móvì Tìmòtewù ràrà fǔrábvù. Ma móvì ka ndínì adù tí ìngo nyǐ nyárokò tí fùkú a'uta ǒ dhu tó màkǔrù nà idù. Obhó tí, ma mǒnzì òdòna dhu ní, akyε utrátàba Sitanì rǎdù àrà nyǔtra, òbìka rǎdù àwì kǒkórò dhu.

Tìmòtewù àdu ndì nà màkǔrù rǐ Polò-idhè nábhù rìka ndì dhu

⁶ Pbéù, kòmbí Tìmòtewù nírà wà àhu fǔrábvù rò. Ní, kàwε wà ìdzi dhu nyú fùkú a'uta mà, fùkú àzè mànà dǒ. Kàti, atdídǒ nyǐ rǎrǐ mǐrè bìlìnganà, ndirò atdyúku nyú rí'ì nyàla mǎ tdítǒ, àdhàdhì mǎ mòzè mǎ rǎla nyǐ átò tdítǒ dhu bhèyi tí. ⁷ Ní ndì dhu bhèyi tí adóǒdù, yà mǎ mí'ì òná àpbè mà, avuta mànà nzínzì ǒ, fùkú a'uta ǒ nyǐ nyíkò tí dhu níbhò ndì òbì affika tò. ⁸ Kòmbí, mǎ mí mìnè mbèyi nyú, nyǐ nyíkò pòtsó Ádrùngbǎle Yèsù ò nídhunǐ. ⁹ Ìngbà òtsò-tidò ndì mǎ mádu àdunà Kàgàwà tò okúku dò rò, yà nyǐ nyú nyǐ nyàbhù idhèka rìka

ndì tí Kàgàwà-ònzì okúkù dò rò dhu dǒ? ¹⁰ Kúbhingánǎ ndirò adyíbhengá màtí, mà mǎrí mìtsò atdyúka nyú nà Kàgàwà rǒ, ndíní mà nabhù tí màla ngbǒkù tdítǒ, màdù fúkù a'uta dǒ òdì dhu níse fúkù.

¹¹ Kàgàwà àlě t'Ábanà nyú ndítírò, àlě tó Ádrùngbǎle Yèsù mànà, náká ì ràngebε otu fákà ndíní mà mowu tí ùvò fúrǎbvù. ¹² Ádrùngbǎle Yèsù àká nditrǒ nyí nyóze nyí nǎ nzínzikù ǒ àzè, ndàdù kóró ngǔkpà ale nyí nyóze nǎ àzè nítro átò, àdhàdhì mà móze nyí dhu bhěyi. ¹³ Kàká ndàbhù afíkù ròtsì ɔbì, ndíní adùya tí ì'ì ìlǎlǎ rǒ, ndirò ìmbǎ afátá na àlě t'Ábanà Kàgàwà-ònzì, àlě tó Ádrùngbǎle Yèsù ríngo, ì rìwù atdíkpá ròná ale mànà nínganí.

4

Πολὸ ρῆ Ἰησοῦ νά'ῦ ale ònzi ròkò Kàgàwà-nyìkpó nǒfò dhu bhěyi dhu

¹ Adódù, ngǎtsi dhu ní, mà móvò wà nyí nyàkànà nyübhi Kàgàwà-nyìkpó nófò rádù dhu bhěyi dhu fúkù. Obhó tí, nyí nyárí ndì dhu ònzi ònzi. Ní, kòmbí mà mònzi fúkù, màdù ùyanà fúkù Ádrùngbǎle Yèsù-ɔvò rǒ dhu ní yàrí: Nyí nyàká nyǒnzì ka mběyi nyú ròsè. ² Obhó tí, nyí nyùni wà yà fúkù mà múyǎ ìngbǎ dhu bhěyi dhu-tidò mà ríra Ádrùngbǎle Yèsù bhà rò. ³ Kàgàwà óze dhu ní, nyílǎ nyìkpóna ǒ, ndirò ní nyǒdò nyí m̀nyònì rǒ rò. ⁴ Ndirò kǒze dhu ní, ngǎtsi ale ròdò ngbǒna ìlátá ǒ Kàgàwà-nyìkpó ǒ, ndirò ifuta mànà dhu ǒ, ⁵ ìnzì ndàbhù ndì m̀nyònì ràtdù afína yà ìnzà Kàgàwà nùni ale náarónzina dhu bhěyi. ⁶ Wò ndì m̀tsɔ-tidò ǒ, dhu àká nzá atdí ale mà rònzi nzéřnga ɔdhìnà rǒ, ndùpò pbìndà ara dò. Obhó tí, Ádrùngbǎle Yèsù níitdìya kóró ì

dhu bhëyi dhu-ànyă yà angyină rò mă múndò fűkù, mǎdù ùyanà mbëyi nyú fűkù dhu bhëyi. ⁷ Obhó tí, Kàgàwà núnzi nzá àlě m̀nyòni t'ónzita tò. Pbétù, kúnzi àlě ndínì àlě koko tí ìlǎlǎ ale tí nyìkpóna ǎ. ⁸ Ndi dhu bhëyi ní ndi, yàrí uyátá nòdhò ale, nódhò nzá ìndrũ-tšǔ dhu, pbétù kòdhò dhu ní Kàgàwà bhà uyátá. Ka ní ndi pbìndà ìlǎlǎ-Alafí nǐbho arí fűkù.

⁹ Yèsù ná'ù ale rǐ 'òzè nzínziya ǎ dhu dǎ, nyǐ nyǐ'ì mbǎ fűkù ka kí dhu àndí dhu-atdyú nà. Obhó tí, nyǐ nyú nyǐ-tírò, nyǐ nyúni wà nyǐ nyádù nyòzè nzínziku ǎ tí dhu Kàgàwà-rǎ. ¹⁰ Kòni ndi dhu kélě ní ndi nyǐ nyarónzina Mǎkèdòniya tó pbìri ǎ arí'ì Yèsù ná'ù ale-rǎ kóró. Ní, mă m̀nzì nyǐ nyòngò kònzì mbëyi nyú tdítǎ. ¹¹ Nyònzì ɔbi nyòkò m̀r̀ngà ǎ: nyǎndà nyǐ nyóko tí dhu nyǐ-tírò, nyádù kasu ònzì ɔtsúkù nyú nǐ dzùnakù nɔnzì tí yà ma múyǎ fűkù dhu bhëyi. ¹² Ndi dhu bhëyi ní ndi, nyǐ nyónzina dhu rǎdù nyǎbhù iri ale rǐfù nyǐ, ìmbǎ nyádù ì'ì ìndrũ rǐ dzùnakù ònzì dhu-atdyú nà.

Pɔlò rǐ dhu àndí Yèsù ì a'u rórò ùvè ale nùungbeya ì dhu dǎ dhu

¹³ Adódù, mă m̀zè nzá nyòkò ìnzǐ nyǐni iwà ì a'u Yèsù rórò ùvè ale dǎ dhu, akye nyǐ nyowuya òko izu ǎ, yà ìmbǎ arí'ì a'uta nà ngǔkpà ale bhëyi nǐ. ¹⁴ Obhó tí, àlě ká'ù wà dhu Yèsù ravè ndàdù ndìngbè. Ní ndi dhu bhëyi tí, Kàgàwà abhùya kǎkà iwà ì a'u Yèsù rórò ùvè ale, r̀ngbe ì átò, 'àdù '̀ngbò Yèsù m̀nà.

¹⁵ Kànǐ Ádr̀ngbǎle Yèsù unɔ dhu-bvu rǎ mă móvɔna fűkù dhu. Yèsù r̀ngo dhu r̀tuna nyìkpóya nà àlě nzínzi ǎ ale tírò, àlě kokoya nǐ angyi ùvǎvè ale tò òr̀-akpà-otù ǎ. ¹⁶ Obhó tí, m̀làyíká dǎ atdí ádr̀ngbǎle-tù mà, Kàgàwà bhà wàndà-tù m̀nà rǐ '̀ri rò, Ádr̀ngbǎle

Yèsù nyú ndítírò níífoya òrù-akpà ò rò. Ndirò kàkà Yèsù Krístò ì a'u rórò uvè ale náadùya '̀ngbe angyi. ¹⁷ Ndi dhu-dzidò ní ndi, yà àlě-nyìkpó nà àlě kòtù àlě ndi kàsùmì ò rò, àlě kadùya òdzì atdíkpá abádhí mànà àp̀bù ò, àlě ràdù àlě òtù Ádrùngbàlè Yèsù mànà awè ò. Ndi dhu bhèyi ní ndi, àlě kóró àlě kadùya òko bìlìnganà Ádrùngbàlè mànà òrù-akpà ò. ¹⁸ Ní, nyòngò afíkù nópè nzínzìkù ò wòrí òtè nì.

5

Ádrùngbàlè Yèsù rìngò ònà idhò

¹ Adódù, Ádrùngbàlè Yèsù níngoya ònà idhò mà, ndi kàsùmì mànà dǒ, nyí nyí ìmbà dhu-atdyú nà mǎndí dhu fùkù. ² Obhó tí, nyí nyú, nyí nyùni wà dhu mbèyi nyú, Ádrùngbàlè Yèsù rìngò ònà idhò rìsìya ìnzà ka kùni angyangyi rórò, ogbotálè náarótsù idza kùbhìngánà dhu bhèyi. ³ Yà ìndrù ràtina màrùngà ràrì ò kòmbí, ndirò òdòna ònzi ka kí dhu ràrì ò ìmbà rò ní ndi, dhu ìnzà rí dhu adùya ìsì abádhí dǒ. Abádhí ràbàna àp̀bè náapíriya ndi ndìsì àdhàdhì ari nà tsìbhálè-ò náarí ndàpìrì uguta tò dhu bhèyi. Ní, atdí ale mà nòogùya nzì abádhí nzínzi ò. ⁴ P̀bétù nyí adódù, nyí nyí ò ìmbà ìnd ò, ndínì wòrí idhò adùya tí nyòtdì ogbotálè bhèyi. ⁵ Obhó tí, nyí kóró nyí ní awáwù ò ale, adyìbhengá nga ò ale. Àlě ní nzì kùbhìngá nga ò ale, ìnd ò ale. ⁶ Ní, dhu àkà nzà àlě ròdhò ngùkpà ale-tsí bhèyi. P̀bétù dhu àkà àlě ròkò àlě-nyìkpó nà, àlě ràdù àmbè àlě òdò dǒ mbèyi. ⁷ Obhó tí, òdhò aródhò ale náaródhò kùbhìngá, ndirò, òri aróri ale náaróri kùbhìngá. ⁸ P̀bétù àlě, adyìbhengá nga ò ale tírò, dhu àkà àlě ròdò àlě mbèyi. Dhu àkà àlě rùfò a'uta mà àzè mànà làtù tí àlě-odrù dǒ, àlě ràdù ògù àlě ká'ù dhu náfò sàbù tí àlě-dò rǒ. ⁹ Obhó tí, Kàgàwà núutri nzà àlě

ndínǎ ìndrũ-ànyǎ nítǎdì ndì ndí nǎ p̀b̀ìndà nàwí nń́síyá tí àlě-dǒ. P̀b̀étù, kũtri àlě ndínǎ àlě kabáya tí ògù àlě tó Ádr̀ungbǎle Yèsù Krístò-otù ǒ. ¹⁰ Yèsù avè àlě-okú d̀ò r̀ò ndínǎ ndì ndíngo dhu nótù àlě àlě-nyìkpó nà màtí r̀ò, ndìr̀ò kòtù àlě iwà àlě k̀v̀e r̀ó màtí r̀ò, àlě kad̀ya tí òko ípìr̀ngà ǒ atdíkpá ndì mànà. ¹¹ Nír̀ò, dhu àkǎ nyòwù afíkũ òpè r̀ó nzínzìkũ ǒ, nyǎd̀ù òwu nyìdì r̀ó átò a'uta ǒ nzínzìkũ ǒ yà nyǎ nyárá k̀nzi dhu bhèyi tí.

Yèsù ná'ù ale àkǎ 'òkò tí dhu

¹² Adódù, mà m̀nzi fukú ngǎtsi dhu ní, nyòngò k̀k̀ò nzínzìkũ ǒ arí kasũ ònzi ale nífu. I ale ní k̀k̀ò nỳnda arí Ádr̀ungbǎle Yèsù-òv̀ò r̀ó, 'ad̀ù àmbè nyìkpókũ itdyu d̀ò nzéřngà r̀ó r̀ò ale. ¹³ Nyǎ nyàkǎ nyǎfu abádhí atdíđò r̀òsè, nyǎd̀ù abádhí nòzè yà abádhí ar̀onzina kasũ-okú d̀ò r̀ò. Nyǎ nyàkǎ nyòkò màr̀ngà ǒ nzínzìkũ ǒ.

¹⁴ Ndir̀ò adódù, mà m̀nzi nyǎ nyòv̀ò dhu ìnzá ìnga nòfò dhu bhèyi aròko ale t̀ò, nyǎd̀ù affiya níngyè ì ale-afí nòpè. Mà m̀nzi nyǎ nyònzì ivivi ngb̀ya nà ale dz̀nà, nyǎd̀ù kóró ale-dzi nóndù. ¹⁵ Mà m̀nzi nyǎ átò nyòd̀ò nyǎ, ìnzǎ atdí ale mà ràdu nzéřngà nzéřngà nǎ. P̀b̀étù dhu àkǎ nyònè ídzìnga ònzi nyǎ nyǎ bìlìnganà nzínzìkũ ǒ màtí ndìr̀ò kóró ale nzínzì ǒ màtí dhu kèlě.

¹⁶ Nyòngò òko bìlìnganà dhèdhe ǒ tí. ¹⁷ Nyòngò nyǎtsò ìnzǎ nyǎ nyúbhana r̀ó r̀ò. ¹⁸ R̀ùkú ndì ǹnzi kóró dhu ǒ, nyòngò òtsò kèlě nádu Kàgàwà t̀ò. Obhó tí, k̀k̀òrí ní ndì Kàgàwà ózè nyònzì Yèsù Krístò-òv̀ò r̀ó dhu.

¹⁹ Ìlìlǎ-Alafí r̀onzina kasũ àkǎ nzá nỳt̀ò ts̀na.

²⁰ Kàgàwà bhà p̀b̀anábí ǹunò dhu àkǎ nzá nyònzì gàyàna.

²¹ P̀b̀étù, kóró dhu-ǒngà àkǎ nyòv̀ò, nyǎd̀ù ídzi dhu tí rí'ì dhu ònzi.

²² Ndir̀ò, nyòd̀ò nyǎ kóró nzéře dhu-tidò r̀ó r̀ò.

Polò rĭ Kàgàwà ònzi ràso Tèsàlònikà ǒ Kànisa dhu

²³ Mārùngà ìbho arí ìndrű tò Kàgàwà nyú ndìtírò náká ndàbhũ nyĭ nyòkò p̀b̀ìndà ale nyú tí. Kàká ndòdò fùkú ípìrǒnga, afíkũ, atdyúkũ, ndìrò ngbǒkũ mànà, ròkò ìmbă nzÉÉ dhu tí ka kózùna dhu rĭ ĭ òyà, àĕ tó Ádrùngbăĕ Yěsù Krĭstò rĭngo òná idhò tò. ²⁴ Nyĭ nunzi Kàgàwà ní ìnzĭ arí p̀b̀ìndà ìrĕta nũwũ ale. Ní ka ní ndi rĭ ĭ dhu nónzi.

²⁵ Adódű, nyòngò nyĭtsò dòká átò.

²⁶ Nyòvì Yěsù ná'ù ale kóró atdyúkũ nyú nà.

²⁷ Ma mìtdĕ nyĭ ìtdĕ tí Ádrùngbăĕ Yěsù-òvò rǒ ndínĭ nyĭ nyozú tí yàrí bhàrwà Yěsù ná'ù ale tò kóró.

²⁸ Àĕ tó Ádrùngbăĕ Yěsù Krĭstò àká ndàso nyĭ.

Ungbòta-ጋwá Tá Bhǔkù

Ndrǔna: Ungbòta-ጋwá Tá Bhǔkù New Testament

copyright © 2015 Wycliffe Bible Translators, Inc.

Language: Ndrǔna (Ngiti)

Contributor: Wycliffe Bible Translators, Inc.

All rights reserved.

2020-11-19

PDF generated using Haiola and XeLaTeX on 30 Dec 2021 from source files dated 30 Nov 2021

abb6c630-aaf1-5647-8172-605215e8fe12